

Problem pretrpanosti Centralnog zatvora

Salihović: Rad suda izgubio je smisao

U kontaktima s Federalnim ministarstvom pravde pokušava se riješiti problem

Nakon kontinuiranih upozorenja predsjednika sarajevskog Općinskog suda Gorana Salihovića o tome da je sigurnosna situacija u bh. glavnom gradu ozbiljno narušena zbog 383 osuđenika koja su na slobodi, održan je sastanak predstavnika Federalnog ministarstva pravde i Općinskog suda.

- Naš rad nema nikakvog smisla. Kakva korist od toga što sudije izriču kazne kada krimi-

Prijelazno rješenje

Šeperić ističe da je i izmjena Pravilnika o upućivanju osuđenika na izdržavanje kazne dugotrajan proces, ali da će već krajem februara napraviti prijelazno rješenje.

- Na osnovu tog rješenja Ministarstvo će moći izdati preporuku da neki osuđenik bude upućen u zatvor u drugom kantonu ako u onom gdje je osuđen nema mjesta - objašnjava Šeperić.



Salihović: Ponudio rješenja

nanci nakon suđenja završavaju na ulici. U sarajevskom zatvoru mjesečno budu oslobođena dva do tri mjesta i ovim tempom trebat će najmanje pet godina da ovi osuđenici odu na izdržavanje kazne - kaže Salihović.

Kao moguća rješenja Salihović je predložio izmještanje zatvora u neku od napuštenih kasarni na Igmanu ili u Ustikolini te izmjenu federalnog Pravilnika o upućivanju osuđenih osoba na izdržavanje kazne zatvora, čime bi se omogućilo da osuđenici idu u zatvor u kojem ima mjesta.

U Federalnom ministarstvu pravde navode da su svjesni da je problem sarajevskog Centralnog zatvora neophodno što prije riješiti.

- Slažemo se da je izmještanje zatvora iz sadašnje zgrade najbolje rješenje. Više sredstava godišnje izdvajamo za amortizaciju te zgrade nego što bi nas koštala njena eventualna prodaja i izgradnja potpuno novog zatvora - kaže Entoni Šeperić, portparol Federalnog ministarstva pravde.

No, on ističe da preuređenje postojećih kasarni nije najbolje rješenje, jer u većini slučajeva nije poznat njihov pravi vlasnik te FBiH može dobiti samo upotrebnu, ali ne i građevinsku dozvolu.

M. A.